



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვარაზი (ვარაზაშვილი) ავთანდილ ვასილის ძე



ა. ვარაზი

ვარაზი (ვ ა რ ა ზ ა შ ვ ი ლ ი) ავთანდილ ვასილის ძე (25. X. 1926, თბილისი, - 3. III. 1977, იქვე), ფერმწერი, გრაფიკოსი, არქიტექტორი. საქართვე. დამს. მხატვარი (1967). დაამთავრა თბილ. პოლიტექ. ინ-ტის არქიტექტურის ფაკ-ტი (1948) და ქართ. ხელოვნების ისტორიის ინ-ტის ასპირანტურა (1951). ძირითადად მუშაობდა პორტრეტისა და ნატურმორტის ჟანრში. შექმნა თბილისელ მოქალაქეთა პორტრეტები: „ვახტანგ რურუა“ (1962), „ქალი ჭრელ კაბაში“ (1964), „მანანა თავსაფრით“ (1964), „ლიკა“ (1971), „ნესტან ლეონიძე“ (1972) და სხვ. მიმართავდა კოლაჟის ტექნიკას:

კომპოზიცია „ვიოლინო“ (1970), „ხარის თავი“ (1970) და სხვ. მრავალი ნახატი შესრულებული აქვს კალმით, გაბავებული ტუშით, ფანქრით: „ქალი თმას ივარცხნის“ (1967), „პოეტი“ (1972), „ქალიშვილის ტორსი“ (1975) და სხვ. ვ-ის ნატურმორტებისათვის დამახასიათებელია მონოქრომიზმი, კომპოზიციის სისადავე, საგნებისა და სივრცის ორგანიზებული ერთიანობა („მსხლები“, 1973; „ნატურმორტი ლიმონით“, 1973). 1959-იდან, როგორც მხატვარი და არქიტექტორი მუშაობდა ს. ჯანაშიას სახ. საქართვე. სახელმწ. მუზეუმის არქეოლ. განყ-ბისა და ფეოდ. ხანის განყ-ბის ექსპოზიციებზე. 1966 ორიგინალურად გააფორმა არქეოლ. გათხრების შედეგად მოპოვებული ნივთების გამოფენა. ეს იყო ახ. სიტყვა ქართ. საექსპოზიციო ხელოვნებაში. 1966 გააფორმა შოთა რუსთაველისადმი მიძღვნილი გამოფენა საქართვე. სურათების ეროვნ. გალერეაში და გ. ლეონიძის სახ. ლიტ. მუზეუმის ექსპოზიცია. მხატვრულად გააფორმა კინორეჟისორ გ. შენგელაიას ფილმი „ფიროსმანი“, სადაც ფიროსმანის როლი თავად შეასრულა (1970) – შექმნა მხატვრის ღრმა ფსიქოლოგიზმით აღბეჭდილი დასამახსოვრებელი სახე. ვ-ის

ნამუშევრები დაცულია საქართველო. ეროვნ. მუზეუმის შ. ამირანაშვილის სახ. ხელოვნების
მუზეუმში, კერძო კოლექციებში თბილისში და საზღვარგარეთ.

მ. კარბელაშვილი
